





ober sich vnd vnder sich zu gleichen winckeln / vñ wo die den zirkel oben rürt da setz ich ein. d. vñ vnden
 eyne. Darnach zeuch ich. b. d. vñ. d. c. vnd. c. e. vnd. e. b. zú samen mit geraden linien / diese rechte vierecke
 te figur rürt den zirkel vberall gleich / wie ich das vnden hab auf geryssen.



Wen schickt es sich am negsten ein 8 eck zu machen / dem thue also / Nym den obgemachtenn
 zirkelriß / vnd behalt darinn die seiten. b. d. vnd teil die zirkellini darzwischen in zwey teyl / in
 disen punctten setz ein. f. Darnach reiß. f. d. gerad zú samen / diß wirdet ein seiten eins achten
 eckes im zirkel herum / Nym begibt sich ein. 16. eck. so du die zirkellini. f. d. mit ein punctte. g. entzwey
 teylst / vnd. g. d. zú samen reißt / die ist ein seiten eins. 16. eckes / das im zirkel herumb langt / wie ich das in
 disen dreyen figuren hie vnden hab auf geryssen.



Wen ist von nöthen ein fünfeck zú machen / in ein zirkelriß / dem thue also / Reiß auß ei n e Cen
 trum. a. ein zirkelriß / vnd zeuch ein zwerchlini durch das Centrú. a. vnd da sie zu be den sey
 ten die zirkellini durch schneidet / da setz. b. c. Darnach zeuch durch dz Centrú. a. ein aufrech
 te lini zu gleyche wincklen / vñ wo sy eben die zirkellini durch schneydet / do setz ein. d. Darnach reiß ein
 gerade lini. e. d. vñ nym ein zirkel / setz in mit dem ein fuß in den punctte. e. den andern in das. d. vñ reiß
 von dan herab auf die zwerch lini. b. c. wo sie die durchschneidt da setz ein. f. vñ reiß. f. d. gerad zú samē /
 diese lēge. f. d. ist ein seite eins fünfteyls / dz ecket im zirkel herum drey / so ist. f. a. ein seyte eins zehenecks /
 Darnach teyl. a. c. mit einē punctten. e. in zwey gleiche teyl / so du dan auß dem punctten. e. mit einer
 aufrechten lini ober sich ferst / bis an die zirkellini / so hast du ein sibenteil des zirkels Mechanice / wie
 ich das vnden hab auf geryssen.